

大學士金

順治十二年四月

初五

日到

本揭對同

(採四五七九)

三三九



少保兼太子太保實支正壹品俸內翰林國史院大學士金之後謹  
揭焉

君恩渥加臣心彌悚瀝誠控辭仰祈

鑒允以安分誼事職呻吟牀褥間准吏部咨文爲欽奉

上諭事順治拾貳年肆月初壹日捧接

上諭諭吏部臣子謨明弼諧雖積久而不言勞國家錫命酬庸

必加恩而弗容已少傅兼太子太傅內翰林弘文院大學士

禮部尚書馮銓等居心謹慎制行端懿政務賴其翼襄恪勤

罔懈才猷稱厥委任寅亮無私宜恩寵之渥加當祇承而勿

替馮銓加少師兼太子太師金之後加少傅兼太子太傅劉

正宗陳之遶劉昌俱加少保兼太子太保仍各照舊辦事爾

部即遵諭行特諭欽此職聞

命自天惶悚無地竊念職之俊辦事年月雖不後於馮銓等諸  
臣而才識蕭陋弗稱

委任惟職為最即見歷之官階已濫庸於非分職所為夢寐悚  
慙惴惴焉負

恩是懼而不遑寧處者此也况職以老病不支正在乞骸候  
昔前此無寸勞足紀將來又無報稱可期槩叨

寵命萬難冒承伏乞

皇上俯鑒悃誠

特允辭免少傅新銜以安愚分則職雖一旦溘然長逝亦不至

增愧於重泉矣職不勝伏枕戰慄之至為此除具本外理

合具揭須至揭者

順治拾貳年肆月

日



